

敘

昔讀蒙齋田先生黔書喜其氣  
疏以達辭醕而肆謂足以傳後  
矣嗣於粵雅堂叢書中獲介侯  
張先生續黔書莊誦再三覺新  
奇奧衍更勝於前爰錄出而亟  
刻之俾黔人士易於購求而知  
文字家又有此一重境界也至  
於介侯先生之政治胸臆亦讀  
是編而得其大慨矣

時

光緒丁酉立秋前一日張銘敘  
於貴陽書局



續黔書自敘

武威張 澍纂

辛卯之四月余既改外職七月簪得黔之玉屏客有過予寓者輒問曰黔之天則蠻烟焚雨黔之地則鳥道蠶叢其人則紅獐紫薑其俗則鴟張鼠伏宦斯土者惺惺鄙夷之願旦夕卽去若陋不可居者今子何昧之易而樂往焉予曰子誠不知人之何以裹足於黔而予之昧黔則猶齊州也昔者莊躄盜兵唐蒙略地而道通漏臥臣屬斯榆迨夜郎爵王牂柯置守馬忠典郡東謝請朝雖屬羈縻亦奉征調二路十二都李唐乃有貴州之稱八番十八衛明世而有專藩之設泉入

聖朝易椎髻而冠裳之刊枿芴而郡縣之剗印籠而守圍之百

續黔書序

餘年來蓋浸浸乎濟美華風矣且其鍊錫兜儻可圖王會也蘆笙箭鏃可入國風也木瓜金筑沿革可稽也鼇磯龍洞幽勝可探也白水碧雲奇情可詠也諸葛禡牙之地李恢鏖戰之方尹珍讀書之宅山圖尋藥之厓可題襟而散煩胸也豈僅瞻懷遷謫之李白客曰我之所慮者以其地苗獞叢聚媒劃左言不知文字悍盭好殺攻劫畔亂不可以中國之治治也而子又年少吾是以云余笑曰子奇之爲阿邑令子其知之矣虞詡之爲朝歌宰我其試之矣夫狃狔狔之屬亦人耳昔也聞干羽而格今則恃爪牙爲難吾未之能謀也儻使撫綏有方恩威兼濟則可以致其死力而又奚患之生善乎馬平主簿孔性善之言曰谿洞蠻獠雖常梗化亂豈無因昔陳景文爲令猺獞皆應差徭

厥後撫字乖方始乃反側誠使守令得人示以恩信諭以旣福亦當革心而田禾叔亦云邊方之官非有爲不足或亂非有守不足服人非久任不能諳土俗是誠治夷之寶鑒也予不敏髦髦孟晉之矣客喜而退知予非徒言之也今采掇方俗爲黔中紀聞以田霞綸先生著黔書改曰續黔書次其言爲敘以正鴻筆麗藻之君子嘉慶九年六月十五日

續黔書序

續黔書目錄

卷一

星野

地界

捍水議

苗警

驛站

夫馬

治盜

毒蠱

假銀

續黔書目錄

詛盟

茂學篇

修文昌宮記

卷二

祭三閭大夫文

竹王

莊豪

馬王辯

黑神

北陰神

柴沖大王

李白至夜郎辯

懷白亭

王昌齡墓

謁王陽明先生祠記

十八先生墓

盤瓠

紫姑

卷三

黔中

夜郎

龍標

續黔書目錄

廢牂柯郡

牂柯江

羅甸

八番

銅仁

苟扁洞

豚水

卷四

萬卷書巖

游紫氣山記

游東山記

重游東山記

飛鳳山

游白雲山記

梵淨山

游飛雲巖記

游黔靈山記

游牟珠洞記

鮎魚洞

諸葛洞

響琴挾

相見坡

續黔書目錄

聖泉

卷五

多雨

歧舌

醫方刻石

石刻

俗字

川字

釐字

生六男

化虎

呪尸爲魚

石棺

人疴

風鬼

鐘鬪

馬化石

雷擊六人

卷六

官鑄

鹽

茶

續黔書目錄

女酒

革器

洞錦

鐵笛布

金星硯

神黃豆

鮓答

燕麥

羊肚菌

降真香

卷七

梓枏

粗

邛竹

重臺蓮

蘭

長壽草

朱草

海棠

蠟樹

卷八

孝獸

續黔書目錄

豪彘

水馬

小羊

箐雞

人首魚

鱸魚

小蠚

圓蛇

唧唧

九香蟲



武威張 澍 覆穀

星野

漢武帝設益州領越巂犍爲牂柯三郡今越巂犍爲屬蜀牂柯所隸二十四邑貴陽以上皆其地也陳卓謂牂柯入參五度而班固謂東井輿鬼秦之分野西南牂柯越巂二州皆宜屬焉常璩華陽國志云牂柯上當天井則自平越以上其爲參井無疑沈思克獨以鎮遠銅仁思州黎平爲柳星之餘夫全楚之分沅湘長沙武陵桂陽零陵以及白帝房陵南郡江夏皆屬翼軫黔實近楚則思州思南銅仁鎮遠石阡黎平六府當爲翼軫之餘非注張也

續黔書卷一

地界

玉屏舊屬楚衛田止軍屯自 國朝雍正五年裁衛設縣始隸黔劃麻沅兩屯歸楚僅存一平屯分爲兩甲一甲二十戶二甲十三戶共三十三戶亦甚畸零矣而田疇或屬於楚之芷江或屬於銅仁或屬於清谿或屬於思州毋亦非分畫畫井之道乎然予稽察輿圖不獨玉屏也黔之州縣皆然有所屬鄉邨去治三四百里者有城門之外卽爲鄰屬者有此州之地併入他縣他縣之地併入此州者又有管轄之地中多隔越或距境一二百里或隔三四州縣而地丁名糧亦隸於他縣者又有衛所之屯與民地相連浸久而迷其版籍遇有審訊案件提拘不至則曰我某縣籍也及於某縣有犯則又曰我某縣籍也盜賊之越

貨禦人有司者捕之輒歛忽往來莫可蹤跡適足以藪奸誨通  
雖有保甲不能行也甚則越佃占水訟牒不已至於爭鬪殺  
事變胡可勝言周禮形方氏掌制邦國之地域而正其封域無  
有華離之地誠使畱心國計之大吏繪圖入  
告爲之改其幅員均其大小正其錯互清其軍民吾知地邑民  
居必參相得有司亦獲以盡其撫綏之方則訟獄息而風俗淳  
矣昔子輿氏告戰國之君猶以爲經界不正則土地不均穀祿  
不平然則正經界固仁政之首務哉

附舟抵玉屏境詩

書巖環芷水風景最雙清樹杪交帆影山中禽櫓聲蘇塗石寺  
小并幹竹樓輕江上乘舟客回頭使旌

續黔書卷一

二

捍水議

玉屏雖蕞爾邑爲黔門戶扼楚咽喉形勢據其衝要而城濱大  
江每多水患勝國天順二年隆慶三年天啟元年屢被潰決入  
國朝康熙二十七年五十九年泉乾隆元年二十一年四十四  
年並遭洪流民居蕩析近者值雨澤浸多水輒至康衢余承乏  
之三月陰霖日久無江暴漲驚濤潰薄水不入闔者僅尺許心  
甚憂之蓋江流自清浪入熊谿城西有獅子峯雄踞江口水無  
所泄其怒北有鎮平玉屏兩山作障則水不得不折而東而城  
當其衝下流則書巖蓮峯隔江夾峙崎嶇狹隘疏瀹未易勢亦  
逾奮迅倘山潦衝溢則水必不能毆山以行而與城爲難矣是  
吾無止水之防而非水自潰其防也吾無容水之地而非水據

吾之地也移城以避之則費巨費巨則庸愚駭委城以與之則殃民殃民則蒼旻怒且如國家設有司之謂何暇日步郊垆相地勢思有以捍之議自北門至館驛取江中巨石砌之爲塘高一丈仍於土石堆積之處掘之以壯江身俾廓而有容用工不過百人爲期不過一月則居民可免淪胥之患陽侯不得憑汎濫之威矣會余調署遵義不果行姑存其義以俟後之克舉者

附鎮平山詩

蘭若背江開題襟避暑來羣峯青鞵屨一水綠莓苔慈竹紫囊帶簷花落酒杯坐深雲罨靄長念咒龍才

苗警

楚南鎮筳與黔之銅仁接壤箐深地阻蠢苗蠡聚性獷悍甚攻

續黔書卷一

三

圖劫殺無日無之每扇爛銅苗輒與之犄角壬戌年穀不登越貨於路途之人咸裹足焉屆歲莫鳩合醜類刑牲壯穆廟號其魁爲大玉期以正月十六日犯銅仁玉屏與銅密邇汎兵五十前撥三十駐正大營存者僅二十耳城垣傾頽無巖置足守邑之人警於竹山之役

嘉慶二年事

咸覩覩焉驚余謂屏邑雖小苗不

足憂也龍塘當邛水之衝界牌扼鬼廬之要地險旣得防守斯宜城北六十里之蠟巖苟選鄉兵數百占護山梁則銅仁施谿六洞水銀等山之苗不能至城南六十里之壩坪苟選鄉兵數百碁布澗谷則南路革谿天塘之苗西路新谿南洞之苗至則授命北有平江鴻波滿盪不可以厲檄漁人而藏其舟楫苗豈能飛渡耶余旣以解父老之惶惑方欲召募壯勇部署糗糧執

擬以爲妖徒先會鳳凰廳傅司馬率健兒至誘其渠擒之餘各  
鳥獸散矣聞逆者荆蠻之叛黃瓜寨掘地得古碑有火龍飛入  
黔南地二月興工八月休之讖旣而狃苗起與義延蔓數郡縣  
掘墳屠脍民受洪荼合楚師勦之乃定歲月悉符茲幸天奪醜  
魄虺毒未飲吾亦固吾圉耳藉使木札羣飛布巾爭舞銅之苗  
觀釁焱起而清江台拱之九股復響應之上覆飛鳥下不見伏  
兔勢必燎原誰其捧海當事有李花龍郭子章諸公庶可以釋  
冰弭變卧鼓安邊以紓  
九重宵旰之塵哉

驛站

黔之地踈步皆山上則層霄下則九淵其驛站之苦有萬倍於

續黔書卷一

四

他省者如貴陽之東至湖廣玉屏以至清谿五十餘里中有橋  
頭坡三家橋坡清谿至鎮遠九十餘里中有蕉谿坡梅谿坡白  
羊坡鎮遠至偏橋五十餘里中有沿沙坡乾谿坡谷定坡施秉  
至清平九十餘里中有鬼門關坡黃猴坡小觀音坡大觀音坡  
落蹬坡中隔一重安江清平至平越八十餘里中有臘梅坡三  
十三坎坡楊老坡羊腸坡三郎坡葛橋坡平越至新添驛一百  
餘里中有五聖關坡倒馬坡虎場營坡卯陽坡黃絲坡猓獾坡  
打杵坡望城坡又如貴陽之西至雲南查城驛以至安南驛一  
百餘里中有梅子坡黃土坡北極觀坡盤江河盤江坡保甸坡  
哈馬坡安南至新興站九十餘里中有馬跑泉坡烏鳴坡腊茄  
坡江西坡泥納坡新興至普安驛八十餘里中有望城坡羅漢

坡爛橋坡鸚哥坡軟橋坡舊普安坡鉉壇坡倒馬坡或石豎狼  
牙或峯成劔鏢或立壁如削或抽筍如墜又或盤旋屈曲鳥道  
羊腸又或嶽嵒截業魚鳧蠶叢太行孟門匹茲匪險峭關隴坻  
對此則夷見者駭魄聞之怵心然皆顯著奇坂而佗峻嶺不計  
也今雖於重安楊老新安各設腰站以紓下游馬力於毛口楊  
松列當各設腰站以紓上游馬力又將上游舊設之盤江江西  
坡二驛裁去以關嶺查城尾灑新安軟橋湘滿六驛改設於新  
路之坡貢郎岱列當罐子窰楊松劉官屯又裁下游黃絲一驛  
移平越驛於西陽塘而亦非坦塗馬之報勞傷墜死者殆無虛  
日矣蓋每驛額馬僅五十四夫僅一百名每馬日支稻穀僅五  
倉升草一束每夫日支米僅一倉升銀一分五釐是以馬不能  
飽秣則無以致遠人不能果腹則無以應役又況古人驛馬三  
十里一置驛多則行速而馬不斃人持節費之說歷次裁併多  
有七八十里而一驛者馬倒役逃又何怪乎

### 夫馬

玉屏爲入黔門戶東至湖廣沅州界十里西至思州鎮遠清谿  
驛雜界二十五里南至湖南沅州界三里北至思州府界二十  
里東西廣三十五里南北廣三十三里疆域畸零田疇孤離彈  
丸黑子不得與於邾莒之末而差務星繁兼滇黔兩省郵站夫  
馬俱有司應付並無幫貼難派且民人脂貧畜牧甚尠一遇大  
差有馬之家進進居奇每站索價至一兩餘且不能敷用又募  
僱於湖廣之谿洞而差役路資馬僮口食咸於官乎取給是一

馬用銀至一兩四五錢也兼之戶口寥落散處山陬附近城市夫役無多不得不招之遠方或離城七八十里或百餘里皆奔命應募雖官爲給價亦僅依扛擡一日之程其餘違反守候則皆失時廢事不獲價值之日也有司稍存人心差使卽稠不過苦自賠累而無良之徒且借此以獵民旣股其脂膏復疲其筋骨良可吁也

附輿夫謠

山劔鏑石狼牙冬暉短郵路賒兩髀腫向前爬口無食身無衣豈樂此忘剝膚破茅屋藿也無菜面孃鳩形婦三歲而嗷嗷口一思之心擣曰雪載塗風吼地嶺逾高防顛墜寒戰疥那敢淚肩苦穿足苦輭大山坡崑巖巖多虎跡思不免晚回歸得百錢買米煮溼薪煙腹未果倦伏眠縣差來勢破壁夢模糊驚怯魄出符票拴至驛

治盜

黔之地懸峯林立虧日抉雲怪石堪當曝髓瘴虎散無統紀如仇相避又山枯水涸剛柔數騎逐隊東馳環繞不定生理窘蹙而衣食以禦人儻亦形勢使然雖有猛吏銳意追捕迺至不勝犯不勝誅何也聚則抨弓注矢探丸飛墮散則牧犢飲羊摩厲迎貓皆吾民也又或郊關之外毒箐幽崖我不得而至焉囊篋腰纏委之而去僅以身免厯險衝危踉蹌呼籲於有司弁役疾馳而至則蹤景消滅是故始於剝商漸則官被劫剗始於攫貨近則人茹金刃何可忍言鹽鐵論曰水有獮狽池魚勞國有蠹

圍齊民消如之何其聽之也遵義幅幘遼闊統轄十三里每里十六甲烟火輻輳地勢險阻其民桀驁詭譎染楊酋之餘習而里甲多巨猾值趁虛日輒聯外來賊客標掠錢貨以爲常余代庖之日吏民初以余之少也而易之然積聞其在玉屏聲觀望不敢動然予之治盜以虛不以實每見同寮有獲盜者輒毀折支體飲以鹽滷矐其目竊傷其酷而卒莫之能戢者賊以爲法盡於是吏亦以爲法盡於是役亦以爲法盡於是且議其忍也而不肯捕盜因是益熾余則不然受事日召集里甲訊其素鴟義者斥之選立愿慤嚴諭之以杜絕飲博謹守堡寨其容畱匪類者辜無赦其有警而不協力禽者辜無赦其有被盜而慝不報者辜無赦惟里甲倍償而又於邨鎮關津通衢僻路布令以

續黔書卷一

七

威刑懼之於是乃不用捕而用儻非不用捕也蓋捕則疏儻則密捕則真盜或走慝而役以局外者當之巨盜或遠颺而役以鼠竊者塞之儻則囊橐何氏鳩聚何所肆劫何地黨羽何人起發何期過抵何許灼然在吾之心目而又虞儻役之我始也復擇役之誠諳者親之耳目旣廣聲色不聞彼宵小者以爲吾之疏之也乃稍稍露跡而儻之者旋至迅發役捕之罔不獲其聚集多人者親率役捕之罔不獲值趁墟之期微服違察之伏壯士於側近有肆斂者卽禽之罔不獲役有不用命及賄脫賊者痛懲之責令倍償其失恭命則重賞之其渠賊吳賴頭賽曹操把地王等以次就禽無良之徒乃恫駭懍恍疑余之日出而網羅之四張也乃大沮散遁於桐梓正安綏陽等處後遇桐梓令

衛君夫民間曰子其以鄰國爲壑乎余曰子甘爲逋逃藪乎衛未有以應也

### 毒蠱

周禮土訓掌道地圖以詔地事道地隱以辯地物鄭康成曰地隱若瘴蠱賈公彥曰瘴卽瘴氣蠱卽蠱毒人所爲也是古昔隆時卽有假此以惑人者故設庶氏掌除蠱毒以攻說禴之嘉草攻之禮注賊律曰敢蠱人及教令者棄市先王鴻術經世設科防姦如此但所謂嘉草者今不可得而知矣宗懔曰周禮庶氏以嘉草除蠱毒卽藜荷也神農經亦云白藜荷可治蠱王逸大招注曰苴蓐一名藜荷史記相如游獵賦注闕駟云蓐且藜荷與叔師注同蓐且漢書作巴且文穎曰芭蕉也明邱瓊山集

### 續黔書卷一

八

羣方鈔不知藜荷爲何物楊用修引急就章注云白藜荷卽今甘露蓋誤以芭蕉爲藜荷也司馬賦既有諸蔗蓐且又有苴蓐藜荷蓐且非藜荷章矣古今注藜荷似藟苴而白藟苴色紫花生根中花未散時可食久置則銷爛不爲實矣葉似薑宜陰翳地種之常依陰而生潘岳閒居賦所云藜荷依陰是也夫蠱之於人毒矣中之者嚼豆不腥含礮不苦則腸絞嘔吐救稍遲則僵而金蠶爲最昏夜飛飲水次光如曳彗鮑明遠詩所謂吹蠱痛行暉也案干寶腹神記云蔣士先中蠱一作蔣士有備客得疾云云其家密以藜荷置席上忽大笑曰蠱我者某也一作食我蠱者乃張小二也自是解蠱藥多用之故葛洪方云人欲得蠱姓名者取藜荷葉著病人卧席下立呼蠱主名也而草木狀云吉利草其莖如金釵



形內考藥交廣雅俗多畜蠱毒惟此草解之極驗吳黃武中江  
夏李吳以罪徙合浦始入境遇其奴吉利者得是草俟服之  
遂解吉利即遁去俟因此濟人遂以為名此草想即藜荷特因  
人名異稱耳夫九尾之狐谿邊之皮盤蝱之鮪魚帝臺之五色  
石游戲之三足鼈皆能已蠱然其物如龍肝鳳髓渺不可得今  
則磨鉛汁飲之即立愈無俟問藝法於柳州矣物類相感志黔南桂州出錫蛇  
粗如大指甲有金銀星解蠱毒西溪叢話云煎石櫛根皮汁飲之即吐出愈文云以白礬牙茶搗末冷水飲之

### 假銀

銀有十七種美者有黃銀出蜀中其天生牙狀如亂絲生銀狀  
如硬錫母砂銀色理赤光黑鉛銀得子母之氣咸真銀也其假  
者有水銀銀草曾青石綠雄黃雌黃膽礬靈草丹陽銅鐵白錫

### 續黔書卷一

九

者名皆以藥製成者黔市通用銀名垂絲甚潮低而江西流民  
巧詐滋甚日造偽者非惟給鄉愚且用以欺官長所謂為盜不  
操矛戟者也有得者以視余瑩白精好剪之則鉛實僅面皮為  
銀然薄如蟬翼真鬼工也以較慕容超之鐵胎奚翅過之案漢  
孝景時律造偽黃金與私鑄錢者同棄市唐文太宗和三年依  
中書門下奏以鉛錫錢交易者過十貫以上所在集眾決殺今  
假銀之罪不下於偽黃金法置之重典庶可以革奸而返樸也

### 詛盟

宋遵義軍圖經云民信巫鬼好詛盟嗟乎此不獨遵義也黔之  
民類然做夏磨嵯靈談鬼笑者老引經投石結草偶然魚置便

祀鮑君無意李裁競傳愈目其起於鴟義矯虔之有苗而至今  
習躑擊乎或者曰小民有情而不得申有寃而不見理於是不  
得不怒之於神而鬼神之往來於人間者亦或著其靈爽視聽  
所接賞罰爲昭蚩蚩之氓其畏王鉞也常不如其畏鬼責而君  
子猶有取焉者謂可以輔王正之窮也昔蘇公罹暴辛之讒則  
出三物以詛爾斯屈平遭椒蘭之嫉則告五帝以折中命咎繇  
而聽直何況於里巷之人乎余曰惠吉逆凶福善旣淫經有明  
訓矣若近日所傳地獄之說感應之書則佛氏因果之旨也聖  
王御世納民軌物克迪棊常彝倫攸敘範其衰志敬之遠之莫  
不灼然於鬼神之故而其鬼亦遂不神是卽所謂神道設教也  
而豈聽命之云哉

續黔書卷一

十

茂學篇

余攝篆廣順州之日暇則進諸生校論文藝率皆條流紛糅訓  
辭樸儻由其采掇陳言罔知晉學也乃倣古人讚學勸學  
厲學之文爲茂學篇以詔之

余聞之葛洪曰學者所以清澂性理飾染質素也徐幹曰學者  
心之白日也王符曰學進於振而廢於窮顏之推曰不學者遇  
議論得失蒙然如坐雲霧劉書曰人不學則才智腐於心胸由  
數賢之言味之學烏可已哉今夫蒸粟之溫也不琢之不耀夜  
黑陽之勁也不淬之不剗犀故欲超萬里於瞬息必假遺風之  
乘欲凌溟漲以泳游必泛艤艣之蟹是以蠶之不繅則素絲蝨  
矣因之不茶則吳簞壞矣海蚌不剖則靈珠隱矣崑竹不斷則

元音闕矣故曰爲山者基於一簣之土以成千仞之階選井者起於三寸之坎以就萬重之深也而顧集詬無志齷窳無情羈神於世務蠹午於數細不勤焯掌之勞甘受盲心之詆未省牛毛之功頻召蟬雪之喻何異狄山之視肉踈涔之委蛇乎且所謂學者豈弟泥訓詁摘章句埒女史之誦詩內豎之傳令已哉走蟻覆笠天胡爲而倚杵斷鰲步亥地胡爲而息壤日月何以有朧朧山川何以有肺目鬼神何以有形聲制氏之樂何以僅記其鏗鏘叔孫之禮何以祇通於縣菴非可概例諸六合之外矣太昊稽象巽以畫卦燧人因鶚啄以鑽火有能聞鳳鳴而調律侯剛觀鳥跡而作書邑夷法斗旋而作輅芒氏效蠶絲而造網是皆大聖人之學乎神明而發乎物類也不此之循而喬宇

續黔書卷一

十一

鬼瓌之是急譏髀倡罇之爲安以天理爲粉澤禮灋爲橘櫟仁義爲桎梏詩書爲糟魄必且爭奇弔詭負利回冗華誣脅眾分徒疑聖讐言墜乎典謨誕思飛乎邪室妙門糸谷之譚畫瓶篋喻之旨競扇風規徒事藻翰勞思慮而不知道費景晷而無成功是瓊甌瑤金無爨炊之用鏐弓鈸絃無支屈之能故曰不聞九乳之音者不知絲竹之滔助不服六章之麗者不知毳麕之縣蓑也夫文公多藝也而朝讀百篇尼父履度也而鐵鎬三折翟烏周歷書載盈車句踐憂勞晦誦竟旦董謁方外掌摹籀寫儀秦游說股畫裳題兒寬帶經以耜耨路生截蒲以緝編黃霸下廷尉以受業邠卿處複壁以劭功朱穆墜岸不知馬之幾足文黨入叢先試斧之挂樹用能洞精道奧窮測斂言且太公望

年七十而始學讀卓爲王佐曾子七十乃學名聞天下荀况五十游學蔚爲老師公孫宏四十餘方讀春秋朱雲四十始學易論語皇甫謐二十始授孝經論語終成魁儒魏舒四十自課對策升第爲世所仰或乃不希炳燭之明甘蹈夜行不冀桑榆之效悵望東隅則愚不愈而智不贍世將歔歔之矣是以六藝備則卑鄙化爲君子眾譽集則孤陋邈於貴游故曰覩姑櫛之枝足以知其本之修巨也覽汪濊之波足以覺其源之淵邃也雞之知將旦也鶴之知夜半也運日作日者非之知晏也猥狗之知雨也誰巢知風之所起獾穴知水之高下騰蛇無翼而翔空蝓羌無鼻而聞香豎蠶無口而揚聲水母無頭目而率魚鰕帝江無面目而識音樂皆物之知也物知之而人不知則蠶珥絲而商

續黔書卷一

三

弦絕賁星墜而渤海決銅山崩而洛鐘應嶢山陀而薄落竭麒麟鬪而日月蝕鯨魚死而彗星出問之有罕漫者矣其何能詳威斗而釋藻兼注紫囊而畚楛酒哉昔敬仲矚俞兒新公知滄狸曼倩喻畢方廣川識重常中壘通貳負劉杳審仲師元遜曉俟囊壯武嘆海鳧方古洞章武之劍陸澄明服匿之器崔隲析羊腸之坂敬宗核顛頊之虛趙逸證太康之寺子野考滑題之邦張善測金鳧之飛僧儒悉石針之用江淹推科斗於周宣斯徵解罇于於干寶束之引影娥於洞冥貽孫實婦跪於渤海鄭欽悟山銘於卅里竇儀對乾德於四年董養歎蒼鵝于狄泉隱侯定罨孟子東夷以及辨鮫鯉之獸形聆角觶之人語數白馬之祠祭驗黃蛇之阿糜鑿肅伏之尺寸診玉神之隱見讀龍門

之鳥篆解苗次之豐碑何異之有學而已矣卽桂露飲能言之  
龜女乳灌疏屬之尸老桑潰元緒之筋古木烹賈誼之味菖蒲  
塞風生之鼻鐘鼓致商羊之鳴苦酒漬白魚之酢肝贖節虬蟲  
之毒燒石投猊獠之舌烏梅煮橫公之鱗事無前聞情疑浮誕  
然精驗潛効有同響奮亦由沈研烏舁鑽習龍經故能濬情源  
於秀逸發思業之高奇也人無論智愚儻搏心揖志磨礪就業  
則精神曉冷鈍聞條達猥俗不足以摸蘇浮名不足以營慧咸  
能洞知能之囊橐極文雅之英雄矣夫雷震之聲可寫以鐘鼓  
風雲之變可通以律管而謂聖心賢臆著在往錄抱風合効詎  
難黨朗乎故曰咎繇雖暗而與辯者同功子野雖瞽而與離朱  
齊明也可不學哉可不學哉

續黔書卷一

三

修文昌宮記

今

上卽位之四年九塗榮鏡六幕同文猶復崇儒重道加意菁莪  
爰允儒臣之請於畿甸首善之區建宮以祀文昌仍

沛綸音飭十三省大吏董率所屬於府州縣各建宮虔祀並  
頒祝告之詞用安神靈凡以誕敷文德樂育子衿潛化頑悍躋  
治淳熙之至意也歲壬戌余履玉屏任視事後簿書稍暇巡覽  
郊坰見屏山東有文昌閣敗瓦飄零殘椽傾圮將委諸蔓草荒  
烟慨然興歎思有以新之以培風脈而地衝差繁供張竭蹙力  
弗能敷適邑紳士咸欲捐資重建且謀卜地城內以便歲時用  
享原任綏陽鄭廣文洪孝廉並文學諸君造余以碑記請且謂

余之不鄙夷其地而樂與敷衽講藝也黌序子弟莫不爭先淬礪思執矜道德之囿案轡文雅之場倘更得昌言以啟其牖不獨親炙之不安咫聞漸有以規於遠大卽後來者聞風興起順就甄陶不至徧規改錯亦所以成埏埴之志也余曰然乃進諸君而論之曰凡人之學學爲忠孝而已忠孝根於性生而亦本於經術黔雖介在荒服文采風流遠遜函夏然漢時盛覽字長通牂柯名士與司馬相如爲友作合組歌列錦賦知賦家之心毋斂尹珍字道真自以生於遐裔未踐庠序乃從汝南許慎受五經師應奉學圖緯通三才還鄉教授南域由是知學孝桓時尹氏以經術選用厯尙書丞郎荊州刺史而應奉爲司隸校尉師生並顯平夷傳寶夜郎尹貢亦有明德厯尙書郎長安令巴

續黔書卷一

古

郡太守彭城相號南州人士明代如馬氏心菴陳氏五粟研鑽理轔克紹關洛之傳而清平孫文恭思南李少參篤學超詣鴻文經世爲時所宗夫以獠狃之中卓然崛起功業文章流芳汗簡而敷言懿旨復有以啟後人之靈府豈非聖賢非異人任而學之可幾哉至於精禋邀福謂可以登桂籍而膺仕版非余之所期望也眾曰然工竣遂詮此言以記之